



ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՈՍՏԻԿԱՆՈՒԹՅԱՆ ՊԵՏԻ

ՆՐԱՄԱՆ



Թիվ 2334-ՆԿ

ՈՍՏԻԿԱՆՈՒԹՅԱՆ ԿԱՊԻՏԱՆ ՍԱՐԳԻՍ ԿԱՐԱՊԵՏԻ
ՀԱՐՈՒԹՅՈՒՆՅԱՆԻՆ ԿԱՐԳԱՊԱՀԱԿԱՆ ՏՈՒՅԺԻ
ԿԱՐԳՈՎ ՀՀ ՈՍՏԻԿԱՆՈՒԹՅՈՒՆՈՒՄ ԾԱՌԱՅՈՒԹՅՈՒՆԻՑ
ԱԶԱՏԵԼՈՒ ՄԱՍԻՆ

ՀՀ ոստիկանության ներքին անվտանգության վարչությունում կատարված ծառայողական քննությամբ պարզվել է, որ ոստիկանության քրեական ոստիկանության գլխավոր վարչության հատուկ նշանակության վարչության արագ հակազդման բաժնի ավագ օպերիվագոր, ոստիկանության կապիտան Սարգիս Հարությունյանը 2022թ. մայիսի 27-ից մինչ օրս, առանց հարգելի պատճառների, մեկ և ավելի աշխատանքային օրեր չի ներկայացել ծառայության:

Այսինքն՝ ոստիկանության կապիտան Սարգիս Հարությունյանը թույլ է տվել «Ոստիկանությունում ծառայության մասին» ՀՀ օրենքի 42-րդ հոդվածի 3-րդ մասի 6-րդ կետով նախատեսված կարգապահական կոպիտ խախտում:

Ոստիկանության կապիտան Սարգիս Հարությունյանին կարգապահական պատասխանատվության ենթարկելու հարցը 2022թ. հուլիսի 28-ին քննարկվել է ՀՀ ոստիկանության կարգապահական հանձնաժողովում, ինչի արդյունքում որոշում է կայացվել միջնորդել ՀՀ ոստիկանության պետին՝ ոստիկանության կապիտան Սարգիս Հարությունյանի նկատմամբ կիրառել «Ոստիկանությունից ազատում» կարգապահական տույժը:

Ելնելով վերոգրյալից, հիմք ընդունելով «Ոստիկանությունում ծառայության մասին» ՀՀ օրենքի 42-րդ հոդվածի 1-ին մասի 8-րդ կետը, նույն հոդվածի 3-րդ մասի 6-րդ կետը և ղեկավարվելով 43-րդ հոդվածի 6-րդ մասով, 45-րդ հոդվածի 1-ին մասի 6-րդ կետով, ինչպես նաև «ՀՀ ոստիկանության կարգապահական կանոնագիրքը հաստատելու մասին» ՀՀ օրենքով՝

Հ Ր Ա Մ Ա Յ ՈՒ Մ Ե Մ

1. Կարգապահական կոպիտ խախտում թույլ տալու՝ 2022թ. մայիսի 27-ից մինչ օրս, առանց հարգելի պատճառների, մեկ և ավելի աշխատանքային օրեր ծառայության չներկայանալու համար, ՀՀ ոստիկանության քրեական ոստիկանության գլխավոր վարչության հատուկ նշանակության վարչության արագ հակազդման բաժնի ավագ օպերիվագոր, ոստիկանության կապիտան Սարգիս Կարապետի Հարությունյանին

կարգապահական տույժի կարգով ազատել ՀՀ ոստիկանությունում ծառայությունից:

2. ՀՀ ոստիկանության քրեական ոստիկանության գլխավոր վարչության պետ, ոստիկանության գնդապետ Վարդան Վարդանյանին՝

- հրամանի մասին սահմանված կարգով և ժամկետում տեղեկացնել ոստիկանության կապիտան Սարգիս Հարությունյանին:

3. Հրամանը հայտարարել ՀՀ ոստիկանության բարձրագույն, գլխավոր, ավագ և միջին խմբերի պաշտոններ զբաղեցնող ծառայողներին:

ՈՍՏԻԿԱՆՈՒԹՅԱՆ ԳԵՆԵՐԱԼ-ՄԱՅՈՐ՝



Վ.Ռ. ՂԱԶԱՐՅԱՆ

« 29 » հուլիսի 2022թ.

քաղ. Երևան